



NAROD I PRAVDA

Klub zastupnika
Skupština Kantona Sarajevo

23. Radna sjednica SKS
Datum : 16.06.2025
Predmet : **Zastupnička inicijativa**

Uputiti:

- Predsjedavajući Skupštine Kantona Sarajevo
- Vlada KS / Ministarstvo za odgoj i obrazovanje
- Pravobranilaštvo Kantona Sarajevo

Na osnovu Poslovnika Skupštine Kantona Sarajevo u ime Kluba zastupnika Naroda i Pravde upućujemo inicijativu prema Pravobranilaštvu Kantona Sarajevo i Ministarstvu za odgoj i obrazovanje Kantona Sarajevo da pokrenu neophodne aktivnosti na rješavanju statusa osnivača i vlasništva privrednog društva "VORTT" d.o.o. Sarajevo.

Obrazloženje :

Naime 1990. godine, društvo "VORTT" d.o.o. Sarajevo osnovan je od strane dijela sarajevskih osnovnih i srednjih škola, kao društvo koje radi računovodstvene poslove za potrebe škola. Broj škola osnivača koje pripadaju ovom društvu je

vremenom rastao, tako da je trenutno 39 osnovnih i srednjih škola vlasnik / osnivač ovog društva. Obzirom da se o ovom pitanju nije vodila briga u prethodnih tridesetak godina, trenutno imamo situaciju da su osnivači i vlasnici predmetnog društva javne ustanove (osnovne i srednje škole), a da je osnivač javnih ustanova Skupština Kantona Sarajevo, a koja nema nikakvu mogućnost direktnog ili indirektnog djelovanja na rad ovog društva, koje je indirektno u 100% vlasništvu Kantona Sarajevo.

Obzirom da predmetno društvo radi izuzetno kvalitetno poslove računovodstva i savjetovanja za procedure javnih nabavki u osnovnim i srednjim školama, smatramo da bi se rješavanjem osnivačkog i vlasničkog udjela samog društva funkcionisanje samog društva u velikoj mjeri unaprijedilo, a Kanton Sarajevo bio se upisao kao vlasnik društva kojeg je vlasnik. Rješavanjem ove inicijative omogućilo bi se da predmetno društvo potencionalno bude društvo koje radi računovodstvene usluge i savjetovanje za provođenje procedura javnih nabavki za ustanove i privredna društva, koja nisu primarno vezana za odgojno-obrazovni sistem.

S poštovanjem

Elvis Vreto

Klub zastupnika Naroda i Pravde u SKS